

**Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 21. jula 2010. godine, verifikovao je i donio

**ODLUKU****O KOREKCIJI REGULACIONOG PLANA  
"BOSNALIJEK"****Član 1.**

Utvrđuje se korekcija Regulacionog plana "Bosnalijek" ("Službene novine Kantona Sarajevo", broj 24/05), u daljnjem tekstu: korekcija Plana.

**Član 2.**

Korekcijom Plana, utvrđuje se građevinska parcela za izgradnju objekta - Pogon za proizvodnju tečnih i polučvrstih nesterilnih formi lijekova, koji zauzima dio parcele k.č. 1372 K.O. Sarajevo VI (novi premjer), te umjesto parcela definisanih broj 14 i 15 kroz Prijedlog plana parcelacije, formira se nova parcela 15, organizovana tako da predmetni pogon može nesmetano funkcionisati.

**Član 3.**

Korekcija Plana sastoji se iz tekstualnog dijela i grafičkih priloga (izvod iz RP-a "Bosnalijek", grafički prilog "Razmještaj objekata, namjena i spratnost", prezentiran na dva lista, na kojim je prikazana predmetna korekcija, te izvoda iz Idejnog projekta "Pogona za proizvodnju tečnih i polučvrstih nesterilnih formi

lijekova", odnosno situacionog prikaza, osnova svih etaža predmetnog objekta, sa četiri presjeka kroz isti).

Tekstualni dio i grafički prilozi korekcije Plana, sastavni su dio Regulacionog plana "Bosnalijek" ("Službene novine Kantona Sarajevo", broj 24/05).

**Član 4.**

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Bosnalijek", te da pribavi saglasnosti nadležnih javnih komunalnih preduzeća.

**Član 5.**

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

**Član 6.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-4939/09  
21. jula 2010. godine  
Sarajevo

Općinski načelnik  
**Dževad Bećirević, s. r.**

Napomena: Objavljeno na oglasnoj ploči Općine 21.07.2010. godine

**OPĆINA HADŽIĆI****Općinsko vijeće**

Na osnovu člana 24. Statuta Općine Hadžići ("Službene novine Kantona Sarajevo", broj 15/09) i člana 87. Poslovnika Općinskog vijeća Hadžići ("Službene novine Kantona Sarajevo", broj 15/09), te u skladu sa članom 13. i 21. Odluke o upravljanju i održavanju groblja "Kopišan" ("Službene novine Kantona Sarajevo", broj 27/07), Općinsko vijeće Hadžići, na 18. sjednici održanoj 27. maja 2010. godine, donosi

**ODLUKU****O DAVANJU SAGLASNOSTI NA ODLUKU O  
CIJENAMA POGREBNIH I PRATEĆIH USLUGA**

1. Daje se saglasnost JKP "Komunalac" d.o.o. Hadžići na Odluku o cijenama pogrebnih i pratećih usluga broj 861/10 od 16.04.2010. godine, a koja će se primjenjivati od 01.07.2010. godine.
2. Odluka iz prethodne tačke sastavni je dio ove Odluke.
3. Ova Odluka stupa na snagu danom objavljivanja na oglasnoj ploči zgrade općine Hadžići, a objavit će se i u "Službenim novinama Kantona Sarajevo".

Broj 01-01-2-5072/10  
27. maja 2010. godine  
Hadžići

Predsjedavajući  
Općinskog vijeća Hadžići  
**Jazid Bajrić, s. r.**

Objavljeno na oglasnoj ploči 25. juna 2010. godine.

Na osnovu člana 23. Zakona o komunalnim djelatnostima ("Službene novine Kantona Sarajevo", broj 31/04), člana 13. stav 1. Odluke o upravljanju i održavanju groblja "Kopišan" Hadžići i Odluke Općinskog vijeća Hadžići broj 01-01-2-5072/2010 od 27.05.2010. godine, a u skladu sa članom 23. stav 1. alineja 5. Statuta Javnog komunalnog preduzeća "Komunalac" d.o.o.

Hadžići, Skupština Preduzeća, na sjednici održanoj 21. juna 2010. godine, donijela je

**ODLUKU****O UTVRĐIVANJU CIJENOVNIKA POGREBNIH I  
PRATEĆIH USLUGA****I.**

Utvrđuje se Cjenovnik pogrebnih i pratećih usluga JKP "Komunalac" d.o.o. Hadžići sa pojedinačnim cijenama usluga, kako slijedi:

| Red. broj | Pogrebna usluga                              | Cijena | PDV 17% | Ukupno |
|-----------|----------------------------------------------|--------|---------|--------|
| 1         | Zemljište za ukop - djeca                    | 50,00  | 8,50    | 58,50  |
| 2         | Zemljište za ukop - odrasli                  | 150,00 | 25,50   | 175,50 |
| 3         | Iskop i zagrt groba za dijete                | 50,00  | 8,50    | 58,50  |
| 4         | Iskop i zagrt rake - mezara (obično kopanje) | 130,00 | 22,10   | 152,10 |
| 5         | Iskop i zagrt rake - mezara (duplo kopanje)  | 180,00 | 30,60   | 210,60 |
| 6         | Iskop i zagrt rake - mezara (trojno kopanje) | 240,00 | 40,80   | 280,80 |
| 7         | Godišnja taksa za pet godina                 | 60,00  | 10,20   | 70,20  |
| 8         | Prvo i konačno formiranje groba              | 10,00  | 1,70    | 11,70  |
| 9         | Otežani uslovi kopanja (u spomeniku)         | 20,00  | 3,40    | 23,40  |
| 10        | Skidanje i vraćanje poklopne ploče           | 40,00  | 6,80    | 46,80  |
| 11        | Rezervacija grobnog mjesta na groblju        | 450,00 | 76,50   | 526,50 |